

COMUNICÂT STAMPE

SUNS 2013: ANCJE I FURLANS LUNA E UN QUARTO TAI VOT FINALISCJ

AI 9 DI NOVEMBÂR IL FESTIVAL DE CJANÇON TES LENGHIS DI MINORANCE A MOENA

Udin, ai 10 di Setembar 2013 - Il Comitât organizadôr di Suns 2013, il festival european de cjançon tes lenghis di minorance, al à selezionât i vot finaliscj che a parteciparan ae serade dai 9 di Novembar al Teatri Navalge di Moena, te Val di Fasse, inmaneade de Provincie autonome di Trent e de ARLeF, Agenzie regionâl pe lenghe furlane cu la poie de associazion La Grenz e di Radio Onde Furlane.

Tra i 37 tocs inviâts di nûf diviersis minorancis la jurie e à sielzût ancje chel dai furlans Luna e un Quarto. Chês altris cjançons a son dai 322 (francoprovençâl); Dinatatak (catalan); Doctor de Trobar (ocitan); ForeFingers up ! A new Balentia's Joint (sart); Peppa Marriti Band (arbreshe); Phantom (ladin) e Tawnee (romañ).

I Luna e Un Quarto a son un grup musicâl di Muçane fondât tal 2009 che al prodûs musiche in lenghe furlane e taliane, cjapant ispirazion dai viaçs dai components o de influence trasmetude de lôr tiere, la Basse Furlane. Vincidôrs dal Premi Friûl 2010, i lôr tocs a misclicin atmosferis mediteranis, musiche populâr e sonoritàs blues.

La lôr cjançon e chês altris in gare si podaran scoltâ ca di pôc tal sît www.sunscontest.com indulà che a saran publicâts ancje tescj e traduzions e lis schedis dai participants. A chescj vot grups al podarès zontâsi un altri finalist, sielzût vie pal concerti "Grenz Project", viert ai musiciscj emergjents ladins e che si tignarà a Moena ai 5 di Otubar.

Suns 2013 al premiarà doi vincidôrs, un sielzût de jurie tecniche e un votât dal public. Ospitis di gale sul palc dal festival a saran chest an lis "Ganes", musicistis de Val Badie cuntun repertori ladin di grant sucès.

Elisabetta Pozzetto

Regjon Autonome Friûl Vignesie Julie

[ARLeF - Agenzie Regionâl pe Lenghe Furlane](http://www.arlef.it)

039 0432 555724 mob 0039 335 8002058